

# КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

## ГЛАС ШЕСТОЙ

В СУББОТУ.....	1
В НЕДЕЛЮ.....	3
В ПОНЕДЕЛЬНИК.....	6
ВО ВТОРНИК.....	8
В СРЕДУ.....	10
В ЧЕТВЕРТОК.....	13
В ПЯТОК.....	15

### В СУББОТУ<sup>1</sup>

Канон Пресвятей Богородице

#### Песнь 1

*Ирмос:* Яко по сѹху пешешествовав Израїль по бѣздне стопами, гонителя фараона видя потопляема, Богу побѣдну песнь поїм вопіяше.

*Припев:* Пресвятая Богородице, спаси нас.

Неоскудну благодать имущи яко Божественную, Мати безневѣстная, к Тебѣ прибегающих не презри, от бед и скорбей присно спасаючи.

Се время настало моего уныния, востани, Пречистая Владычице, и помощи даждь ми руку: Ты бо мир Божественного веселия исполнила еси.

Слава: Державный Твой покров, Богородительнице, яко заступница сущи, даждь ми вскоре напастями одержиму, и невредна от сих сохрани мя.

И ныне: Души моей смерть притекает, искушения же ненавидящих, яко аспиды, обидоша погубити мя: но Самая мя, Богородице, спаси.

#### Песнь 3

*Ирмос:* Разширишася на враги моя уста моя, яко утвердися о Господе сердце мое.

Умерщвленную душу мою прегрешеньми, Живот яко рождающая, Богородице, оживи.

От всякаго искушения соблюди к Тебѣ прибегающих, Богородице, упование наше.

Слава: От востающих на мя напастей горько спаси мя, Мати Господа моего Пренепорочная.

И ныне: Яже миру спасение подаючи Божественным Рождеством Твоим, от бед мя пременити.

#### Песнь 4

*Ирмос:* Услыша пророк пришествие Твое, Господи, и убояся, яко хощеши от Девы

<sup>1</sup> Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

родітисѧ и Человѣком явѣтисѧ, и глаголаше: услышах слух Твой и убоѧхся, слава силе Твоей, Господи.

Изнеможе нищетою крепость души моя, Богородительнице, и лютое на мя омрачение нападе, от прегрешений имущее наход: призри, яко светоносный облак Божий, и просвети мя, молюся.

Буди зол моих и смущение прегрешений, преложи в тишину спасения, яко сущи пристанище, Всенепорочная: рыкающе ищут мя, яко львоуе, пожрети, пагубы тех избави мя, молюся.

Слава: В нощи и во дни, на земли же и в мори, и на всяком месте спасение твердо сущи, Богородице покрове непобедимый, спасай мя: по Бозе бо на Тя воистинну христиане уповаем.

И ныне: От великих и различных прегрешений же и напастей всегда спасаеши мя: темже яко рождшую Тя Господа молю, и к Тебе прибегаю, непобедимей помощи скорбящим: от бед изведи мольбами Твоими.

### Песнь 3

*Ирмос:* Свет возсияи миру, Христе, просвети сердце мое, от нощи Тебе зовуща, и спаси мя.

Спасения Тя покров славим, Слова Мати, Всенепорочная, навет не боящися человеческих.

Имуще Тя стену небориму, искушений же и печали востания избавляемся, Пречистая.

Слава: Изми мя от злых человек языка, Чистая: якоже бо бритва изострися, погубите иский душу мою горько.

И ныне: Прилежно Ти припадаю, моляся: яко Мати Зиждителя моего, одержавших мя бед свободи.

### Песнь 6

*Ирмос:* Китом пожрен греховным, вопию Тебе, Христе: яко пророка из исления мя свободи.

Горести вкус прием, Божественная сладости отчуждихся, Пречистая. Темже вопию Ти: даруй ми помощь.

Омрачение страстей раба мя тли содела: темже, Свет рождающая, свободи мя, Владычице.

Слава: Согласно Тебе и верно исповедаюся, Пречистая, и пожру Ти жертву, Тобою избавлься скорби.

И ныне: Отверзюшася на мя неправды уста, Владычице: темже мя, яко заступница, сих вскоре свободи.

*Таже:* Господи помилуй, *трижды.* Слава, и ныне

### Кондак, глас 6:

Предстательство христиан непостыдное, ходатайство ко Творцу непреложное, не презри грешных молений гласы: но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

### Песнь 7

*Ирмос:* Росодательну убо пещь содела ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Искушения души моея, юже гучнии юнцы ныне обыдоша, Пресвятая Дево, Сама мя сих свободи.

Защищаючи тощно в бедѣ сущих и в печали, радость, Богородице, подаеши всегда.

Слава: Победена мя всего отчаянием дел и печали огради мя, Дево, яко покров всем нерушимый.

И ныне: Предстательством Твоим избавляемся бед и скорбей и обретаем богатство велие неистощаемо.

## Песнь 8

*Ирмос:* Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети, Тя превозносим во вся веки.

От человеческих снedaюся озлоблений и молюся, Богородице: избави мя суетнаго совета их.

Победихся в печалех искушении моими и молюся, Владычице: от сих мя спаси невредима.

Слава: Спаси мя, Чистая, от человека льстива, и языка, и уст, и мучительства, и всякия нужды.

И ныне: Иже нравом прельщаем есмь, без ответа сый, к Богородице зову: всяческих мя избави зол.

## Песнь 9

*Ирмос:* Еже, радуйся, от ангела приемшая и рождающая Создателя Своего, Дево, спаси Тя величающая.

Молитва ми в печалех жития, Богородице, буди, и спаси от бед, ныне прибегающего к Тебе.

Воистинну Единая на земли и в мори явилася еси, Чистая, кров неразоримь, прибегающим Ти несумненною душею.

Слава: Без ума себе всяческими поработившу лютыми паденьми, мольбами Твоими свободу подаждь ми, Всепетая.

И ныне: Тя надежду и заступление твердо стяжав, Чистая, величая Тя, яко Богородицу, песнь верою скончаваю.

## В НЕДЕЛЮ

### Канон Пресвятей Богородице

## Песнь 1

*Ирмос:* Яко по суху пешествовав Израиль по бездне стопами, гонителя фараона видя потопляема, Богу победну песнь поим вопияше.

*Припев:* Пресвятая Богородице, спаси нас.

Моего ума облак страстей отжеи, Чистая, и возсияй ми свет, рождающая, Пречистая, Сына, сияние Отчее, яко да воспую Тя.

Яко Гавриил Дево, приидите, вернии, и мы вопием благоговением душевным: воистинну украшена, Чистая, рождающая Радость: радуйся, Пречистая.

Слава: Иже безстрастно прежде век от Отца рожденнаго, Пречистая, в последняя дни во утробе носящи Сына, родила еси сугуба, Бога и Человека.

И ныне: Бога родила еси Единого без тли и Дева пребыла еси по Рождестве, якоже бе и прежде Рождества, Пречистая: сего ради, вернии, радуйся, Тебе зовем.

### Песнь 3

*Ирмос:* Несть Свят, якоже Ты Господи Бóже мой, вознесый рог верных Твоих, Блаже, и утвердивый Нас на камени исповедания Твоего.

Несть непорóчны, якоже Ты, Пречистая Богородице, рóждшая Зиждителя и Владыку всяческим: тёмже Ти вси вернии благодарственно, радуйся, взываем.

Страстей смущает мя лютое волнение, Чистая, и горестями многих падений во глубину пометаемь воистинну злых моих, даждь ми руку, Чистая, и спаси мя.

Слава: Тьму разруши моих прегрешений, Дёво, и озари светом безстрастия жизнь несказанно, Чистая, рóждшая Сólнце неприкосновенное.

И ныне: Огнём страха Бóжия очистивши мя, Отроковице, от прегрешений и скверны, облещи светозарною одеждою добродетелей и ликом святых сочетай.

### Песнь 4

*Ирмос:* Христос моя сила, Бог и Господь, честная Церковь Боголепно поёт, взываючи, от смысла чиста, о Господе празднуючи.

Свет рóждшая, тьму разруши многих моих прегрешений Твоею зарёю, Пренепорóчная Владычице, Яже Сólнце правды верным возсиявшая.

Надежду Тебе, Пречистая, ныне предлагаю моего неможения: да от Тебе не недействован отыду, спасение же получив, воспою, радуясь.

Слава: Богатыя щедроты Твоя даруй нам, Пречистая, верою и любовью в Твой храм притекающим, и от всяких искушений и скорбей избави.

И ныне: Слово, Пречистая, в Тя вселися, безеловесия страстей мир избавляя, Владычице, и Царствия Небеснаго сподобляя воспевающия Тя.

### Песнь 4

*Ирмос:* Бóжим светом Твоим Блаже, утренюющих Ти души любовью озари, молюся: Тя веди, Слово Бóжий, истиннаго Бóга, от мрака греховнаго взывающа.

Божественною зарёю от Твоих чресл возсиявшего, мою душу, во тьме спящую, просвети, Дёво, и греховную мглу отжени, светом мя Твоим просвещаючи.

Душу мою исцели, Благая, выпадающую в разбойники, милостивне елей искапаючи, и вино благосердия Твоего, разумы независтно подающими.

Слава: Плотския недуги и душевныя исцели нам, к Тебе прибегающим, Всепетая: крепость бо еси притекающим под кров Твоея молитвы, Богородительнице.

И ныне: Божественный Дух Святыи вселься, Пресвятая Чистая, в Твое чрево, осенив Тя показа Дом Троицы, благоволением Отчим Слово зачениши и Сего рóждши.

### Песнь 6

*Ирмос:* Житейское море воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Тьму разруши окаянная моя души и светом просвети мя, Пречистая, возсиявшим от Твоих ложесн и все человеческое естество озарившим.

Враг видимых и невидимых навета избави мя, Чистая, и подаждь ми кров державный Твоего заступления: к Тебе бо, Дёво, ныне прибегах.

Слава: Создавший всяческая, в последние дни от святых утробы Твоея воплотися, человеческое естество, еже от Адама люте поползшееся, устроив, мир обнови.

И ныне: Святых ангел благолепие поёт Тя, и аз молю, Пренепорóчная: отыми от мене нелепая бесов мечтания, в тишине соблюдаючи сердце мое.

*Таже:* Господи помилуй, трижды. Слава, и ныне

## Седален, глас 6:

Прилози сопротивных борют достояние Твое, Владычице Чистая, разорї тех коварствїя и низложї на зѣмлю гордынное шатанїе: Ты бо еси заступница верно молящимся Ти.

## Песнь 7

*Ирмос:* Росодательну ўбо пещь содела ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

Просветивши мя Светом Непреступным, Пречистая, во тьме неразумения, и к Свету настави верно вопити Сыну Твоему благочестно: благословен Бог отец наших.

Омраченный облак отжени от души моя, Богородительнице, осиявши светом всех Творца: приятелище бо еси Света Превечнаго, от Отца безстрастно возсиявшаго.

Слава: Приклонися нашим мольбам, Чистая Богородительнице, молитвою милостивно подвигнися к Богу: и Сего милостива сотвори нам, на Тя, Благая, присно надеющимся.

И ныне: Осквернена мя суща страстми лукавых деяний, очистилище даждь ми, Чистая, слез капли отмываючи студ лукавый греха моего, окаения источник.

## Песнь 8

*Ирмос:* Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети, Ты превозносим во вся веки.

Яже Владыку всех плотию рождающая, насильствия страстей исхити мя, Отроковице, и Творцу всяческих присвои любовь, поющего во вся веки.

На одре болезненне слежащу ми, посещением Твоим, Отроковице, возстави мя и душевное и телесное даруй ми здравие, воспевающу Христа во веки.

Слава: Страстей моих пламень угаси росой молитв Твоих, Владычице, и мене спаси, якоже прежде Сын Твой избави отроки, превозносящая Его во веки.

И ныне: Не ужасаяся лаяния борца, на Тя упование чаяния моего имый, Благая: заступаеши бо всегда, спасаючи от бед Тя восхваляющих.

## Песнь 9

*Ирмос:* Бога человеком невозможно видети, на Негоже не смеют чини ангельстии зирати: Тобою же, Всечистая, явися человеком Слово воплощено, Егоже величающе, с Небесными вои Тя ублажаем.

Зол всяческих избави к Тебе прибегающего верою, Дево Пречистая, и здравие даждь ми, прибегшему в покров Твой, Отроковице, и лютых избавление: яко да во гласех благодарственно присно славлю Тя.

Клятву печали разрушила еси, Чистая, и радость источила еси миру Рождеством Твоим, благословения Источник рождши. Темже восхваляюще Тя Всепетую, вси благодарственно вернии ублажаем присно.

Слава: Света приятелище, Богородительнице, Твое чрево бысть, Всепетая, от Отца Возсиявшаго прежде всех век. Темже Тя Богородицу вси славим: Сего яко Сына Твоего и Бога величаем.

И ныне: Сына безлетна, от Отца возсиявшаго, Единая Чистая, родила еси в лето, Духа найтием Божественнаго. Темже Тя, Пречистая, Богородицу неискусомужную вси языком и сердцем вернии исповедуем.

**В ПОНЕДЕЛЬНИК**  
**Канон Пресвятей Богородице**

**Песнь 1**

*Ирмос:* Яко по сѹху пешешествовав Израїль по бѣздне стопами, гонителя фараона видя потопляема, Богу побѣдну песнь поїм вопіяше.

*Припев:* Пресвятая Богородице, спаси нас.

Преклонен множеством искушений и лютых деяний, вью душевную и телесную преклоняю Тебе, Чистая, и вопию Ти прилежно: Ты мя исправи.

О Всенепорочная Отроковице, крепкая верных помощь и упование христиан! Ты мя свободи плотских сластей же и страстей, борющихся со мною.

Слава: Световодительница сущим во тьме: Свет мысленный рождши, Пречистая, просвети мою душу, и ум освети, страстей и прегрешений тьму решащи.

И ныне: Омраченные души моя наведенными безместных помышлений тьму разруши, Богородице Владычице, светом святых заповедей Воплощенного из Тебе.

**Песнь 3**

*Ирмос:* Несть Свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

На Тя, Чистая и Пречистая, надеявся, да не отпадѹ еже к Тебе чаяния, яко Мати Человеколюбца Бога милостива, сетей мя вражиих избави.

Маріе, Мати Божия, Спасения двере, Еюже пройде Един Иже всех Творец, покаяния ныне Божественныя двери отверзи ми, Пречистая.

Слава: Пристанище буди ми и хранительница, Чистая, лютыми треволнении страстей обуреваемому всегда в мори жития, Едина Приснодево.

И ныне: Маріе, Мати Божия, просвети душу мою помраченную люте многими грехи, и стрелою лукаваго уязвленную, и изнемогшую.

**Песнь 4**

*Ирмос:* Христос моя сила, Бог и Господь, честная Церковь Боголепно поет взываючи, от смысла чиста, о Господе празднующи.

Крепость моя, Пречистая, и прибежище, и необоримая стена, и к Богу молитвенница сущи, вечнующаго пламене и геенны свободи мя.

Маріе Всечистая, страстей молву моего ума, и искушений бурю разори, Яже безстрастия Источник рождши, Мати Приснодево.

Слава: Чистая и Всенепорочная, Яже чистоты бывши приятелище вместе<sup>1</sup>, Божественнаго вселения, душевную мою скверну и нечистоту потреби.

И ныне: Едину Пречистую, Едину нескверную молю Тя, Отроковице, сладостными осквернившася страстьми и окалявша душу Твоими молитвами очисти.

**Песнь 5**

*Ирмос:* Божиим светом Твоим, Блаже, утренующих Ти души любовью озари, молюся: Тя ведети, Слове Божий, истиннаго Бога, от мрака греховнаго взывающа.

Осквернен помыслом и окалян многими паденьми, Мати Божия, Тя молю, Едина нескверная, ущедри и спаси мя ходатайством Твоим.

Божественным сиянием Твоим, Благая, просвети душу мою, омраченную сладостьми, и к спасения стези направи, Едина Спаса Христа рождающая.

---

<sup>1</sup> Имеется в виду, что Богородица вместила в Себя Невместимого Бога.

Слава: Греховныя ми пленіцы расторгни Твоім ходатайством, Дѣво, и заступлѣнием, и радости Божественныя тишины исполни дѹшу мою окаянную и тьмы избави.

И ныне: Тя Едину Божественное прибежище ныне стяжав, Благая, зову Ти и верно припадаю: Ты мне заступлѣние и покров спасѣнія буди, Владычице мѣра, и спаси мя.

## Песнь 6

*Ирмос:* Житѣйское море воздвизаемое зря напастей бурею, к тихому пристанищу Твоему притекъ, вопию Ти: возведи от тли живот мой, Многомилостиве.

Повинен сый грехами, и люте уязвѣхся, окаянный, к Тебѣ, Богомати милостивей прибегаю, моляся: нападѣнія потребѣи прегрешѣний моих.

Двере благодатная, отвѣрзшая верным дверь Небесную, покаянія дверь светлую отвѣрзи ми, Владычице, и врат смертных свободи.

Слава: Страстми мя преклонѣна от сопротивных прилог, Мати Божия, утверди, Яже безстрастия рождши Источник: к Тебѣ бо прибегах, окаянная моея души утѣшительнице.

И ныне: Призри, Владычице, на мя смиреннаго, и ненадежно спаси мя: Ты бо еси упованіе и покров ми, жизнь и свет сердцу моему, Богородице, и утверждѣние.

*Таже:* Господи помилуй, *трижды.* Слава, и ныне

## Седален, глас 6:

Безпомощным крепость Ты воистинну, Пресвятая Дѣво Мати, отсюда, смиреннии, Тобою возвышаемся, о Тебѣ высоко держимся: всем Ты еси покров, и к Богу ходатаица.

## Песнь 7

*Ирмос:* Росодательну убо пещь содела ангел преподобным отроком, халдеи же опаляющее велѣние Божие мучителя увещая вопити: благословен еси, Боже отец наших.

Очищѣние имамы Тя всегда к Богу, Пренепорочная: темже испроси избавити всех, Пречистая, тамо мучений страшных, Богородицу воистинну исповѣдающих Тя.

Леностию мя одержима, воздвигни к деланию, Пречистая, Божественных деяний, укрепляющи мя на враги, присно борющия мя люте, и сопротивными помышлѣнии прельщающия.

Слава: Не остави мене, Дѣво, погибати, ни попусти снедь быти присно жаждущему мою пагубу змию лютому: но подаждь ми Твою богатую милость.

И ныне: Молящи не престай Человеколюбца Бога нашего, Всенепорочная, яко да приимем совершенное прощѣние, Чистая, и улучим Небесных уготованных благ и неотъемлемую радость.

## Песнь 8

*Ирмос:* Из пламене преподобным росу источил еси и праведнаго жертву водою попалил еси: вся бо творishi Христѣ, токмо еже хотѣти, Тя превозносим во вся веки.

Якоже Рождеством Твоим, Всечистая, благих дел покажи плодочно неплодное сердце мое, Бога умоляющи.

Мольбу, Дѣво, Богу принеси, души наша спасти, Богоблагодатная, и страстей пріянія избави нас, и от бесов злаго искушѣнія.

Слава: К Твоему прибегаю покрову, Всенепорочная, и предстательницу живота моего ныне предлагаю, избави мя, Отроковице, суда страшнаго и испытанія, и огня

вѣчнаго.

**И ныне:** Поколебавшуюся злобою борца душу мою утверди, Дево Чистая, и огненного измени мя мучения, и козлиц болезненные части.

## Песнь 9

*Ирмос:* Бога человеком невозможно видети, на Негоже не смеют чины ангельстии взирати: Тобою же, Всечистая, явися человеком Слово воплощено, Егоже величающе, с Небесными вои Тя ублажаем.

Страстей волнение смущает мя и сладостми погружает мя, Дево Пренепорочная, Яже кормчию Христа рождающая: руку ми помощи простри и спаси мя, Единая спасение верою блажащих Тя.

Чертоже и престоле Царствующаго, горю Божия и граде избранный, и райю солнца облаче всесветлый, просвети душу мою, облак отгоняющи грехов моих многих, Богоблагодатная.

Слава: Чистая Дево Богообрадованная, двери Света, двери души моея отверзи, греху вход заключающи: да мя не примет рука лстываго, ведущи люте ко всепагубней и страшней муце.

**И ныне:** Душе, возникни и побди в молитвах и во всеблагих попечениях, уныния сон отгоняющи, бодрую заступницу имущи всегда, Чистую Матерь Божию Всещедрую.

## ВО ВТОРНИК Канон Пресвятей Богородице

## Песнь 1

*Ирмос:* Яко по суху пешествовав Израиль по бездне стопами, гонителя фараона видя потопляема, Богу победну песнь поим вопияше.

*Припев:* Пресвятая Богородице, спаси нас.

Всяко моего рыдаю жития сквернаго и множества безмерных ми зол: что же исповем Ти, Чистая? Недоумею и ужасаюся: но помози ми, Владычице.

Откуда начну глаголати лукавая и лютая моя падения, страстный аз? Увы мне, что буду прочее? Но, Владычице, прежде конца ущедри мя.

Слава: Смертный убо час, и судище страшное всегда помышляю, Пречистая, обычаем же всезлым прельщаюся люте: но помози ми.

**И ныне:** Благих глитель, смотря мя ныне нага Божественных добродетелей и далече отступльша и отчуждена от Бога, поглотити мя устремляется: Владычице, предвари.

## Песнь 3

*Ирмос:* Несть Свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Душу окалях скверно от безмерных зол моих страстный аз, Богородице Владычице: и како прочее пойду, отчаянием весь одержимъ?

И еже по образу себе окалях блуднаго, увы мне, Чистая, высокоудренною волею: по подобию бо и делом, и словом, и помыслом содеях безместная.

Слава: Несть ин в человецех, иже неподобная содеяв, ни родися в мире, якоже аз, Благая, помрачен умом: ибо Крещение Божественное оскверних.

**И ныне:** На конец достигох злых, Пресвятая Дево, Ты помози ми вскоре: небо и земля вопиют гортце, от безместных деяний неподобных.



## Песнь 4

*Ирмос:* Христос моя сила, Бог и Господь, честная Церковь Боголепно поёт взываючи, от смьсла чьста, о Господе прьзднующи.

Ангельстии чьнове и воинства Небесных Сил Твоего Сына ужасаются державы, Чьстая: ныне же аз отчаявся, безстрашием одержимь есмь.

Удивись вся земля и ужасесь, зрящи лютая и злая творящу ми, и безместная: и Твоего Сына многому милосердию чудится.

Слава: Церковь оскверних зле телесную, и церковь Господню, в нюже человецы трепещуще входят: аз же, блудный, без студа вхожду, увь мне!

И ныне: Не яви, Владычице, не яви странна мя, устранишася крова Сына Твоего, всяко недостойнаго: но омьй мене от скверны прегрешений моих.

## Песнь 5

*Ирмос:* Божиим светом Твоим, Блаже, утренюющих Ти души любовью озари, молось: Тя ведети, Слове Божий, истиннаго Бога, от мрака греховнаго взывающа.

Божественным сиянием Твоим, Благая, исцели душевныя моя страсти, яже ми тлитель всея, и избави мя сего пленения горькаго: смеется бо, зря мене без заступления.

Адам преступи убо заповедь едину Сына Твоего, Дево, и во изгнание впадe: како же рыдаю прегрешений моих бездну, аз преступный и отступник Его?

Слава: Убийца убо явлься древле и братоубийца Каин, Богом проклят бысть: что же сотворю аз вседерзый, душу убо убив ныне, и не стыждуся?

И ныне: Исаву поревновах лютому, чревообъядением и сытостию весь. Душу оскверних пьянством, и ласкосердством житие мое, и кто мене не плачет страстнаго? Увь мне!

## Песнь 6

*Ирмос:* Житейское море воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Житие мое блудно, душа моя сквернава, и живот весь окаянен, тело же мое все во злых люте окалях. Темже потщися, Дево, помощи ми.

Конец предста, и не терплю, Благая, совесть обличает мя: предстоят бо ми деяния лукавая и жития блудное: и судища ужасаются Сына Твоего, Чьстая.

Слава: Плоти моея разжжение, река огненная страшна и неугасима ждет войстину, и червь неусыпаяй: но угаси ми сия молитвами Твоими, Пречьстая.

И ныне: Ныне трепетом одержимь есмь, Благая, и ужасаяся лукаваго ловления. Пржеде бо конца хощет мя тлитель убьти, держя мя яко пленена всего и нага добродетелей.

*Таже:* Господи помилуй, трижды. Слава, и ныне

## Седален, глас 6:

Упование и стена, и пристанище людем Твоим, Дево, из Неяже родися безстрастно Спас всяческих, и спасе уповающия на Тя: якоже плачася Твоего Сына при Кресте, Того и ныне моли избавити от тли вся поущия Тя.

## Песнь 7

*Ирмос:* Росодательну убо пещь содела ангел преподобным отроком, халдеи же опаляющее веление Божие мучителя увещя вопити: благословен еси, Боже отец наших.

Седьм седмицею пламень разжже ми страстьми лукавый, и любодяньми сердце мое всегда умерщвляет: темже токами моих слез угаси его, Мати Божия, и спаси мя.

Окаляема тиною прегрешений моих, не отрини мене, Владычице Благая: ибо зря мя, во отчаянии суща, смеется прелукавый враг: но Сама Твоею державною рукою возстави.

Слава: Страшное убо судище, страстная душе моя и нечувственная, и мучение же некончаемое и грозное: но обаче ныне припади к Матери Судий Твоего и Бога, и не отчайся сама.

И ныне: Омрачхся страстный множеством безмерных зол, и оскверних душу и тело же и ум: темже, Пречистая, светом Твоих сияний к безстрастию сладости скоро введи мя.

## Песнь 8

*Ирмос:* Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети, Тя превозносим во вся веки.

Яже от Троицы Единого Бога рождающая и на руку носившая, Дево Мати, угаси страстей огнепальную печь и слезными токи омый душу мою.

Прихода смертнаго ужасаюся, Пречистая, и суда онаго весь ныне убояхся, дея же злая, никакоже стыждуся: ущедри мя прежде конца молитвами Твоими, Дево.

Слава: Стенания немолчная, Владычице, даруй ми, и слез тучы даждь, да отмыю моя прегрешения многая и неисцельныя язвы: яко да улучу жизнь вечную.

И ныне: Зол моих множество Тебе исповедах, Владычице, яко ни один в мире ин прогнева тако Бога, Сына и Господа Твоего: Сего ми на милость вскоре премени, Дево.

## Песнь 9

*Ирмос:* Бога человеком невозможно видети, на Негоже не смеют чини ангельстии взира́ти: Тобою же, Всечистая, явися человеком Слово воплощенно, Егоже величающе, с Небесными вои Тя ублажаем.

Се прихожду Ти, Пречистая, со страхом многим и любовью, крепость ведый многия молитвы Твоея, раб Твой: много бо может воистинну, Владычице, мольба Матерня к Сыну: милосердием бо преклоняется.

Лики приими архангел же и множество вышних воинств Зиждителя моего: апостол же и пророк соборы, и мученики, и преподобныя, и священномученики: и молитву сотвори, Чистая, за нас к Богу.

Слава: И ныне и тогда Твою помощь да обрящу, Чистая, в час, в онже изыдет дух мой, вскоре изымаючи, избави мя бесовскаго мучительства, Пренепорочная, и не остави мене, Благая, предану быти им.

И ныне: Судий Щедраго чаю, и Человеколюбиваго Твоего Сына, Чистая не презри мене: но Того ми сотвори благопременна, поставити мене одесную тогда, Всенепорочная, Пречистому судищу Его, на Тя бо уповах.

## В СРЕДУ

### Канон молебный Пресвятей Богородице<sup>1</sup>

## Песнь 1

*Ирмос:* Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его, славно бо прославися.

<sup>1</sup> Творение Иоанна иеромонаха. Краегранесие канона: *Пресвятая, приими Иоанна рыдание.*

*Припев:* Пресвятая Богородице, спаси нас.

Како приступлю к Тебе, Чистая, отчаян окаянный аз, весь страстен нечистотами быв? Но ущедривши, спаси окаянную мою душу, Богородительнице Пречистая.

Воставши, смиренная душе, от глубины безчестия, возопий тепле к Единой Чистой: помилуй мя, Отроковице Пренепорочная Чистая, и страстей мя избави.

Слава: Бурею напастей потоплен бых грехи: простри ми ныне помощи руку, Чистая, и избави безчестия страстей, яко да присно славлю Тя.

И ныне: Грехам лютыя буре избави мя, Богородительнице, от неяже весь сквернен есмь. Темже Ти притекаю, облегчи ми ныне тяготу прегрешений моих.

### Песнь 3

*Ирмос:* Утверди, Господи, на камени заповедей Твоих подвигшееся сердце мое, яко Един Свят еси и Господь.

Состаревшаяся страстными безчестными грехам, младая сотвори мя, Пренепорочная, союзы прегрешений облегчаючи.

От брения мя очисти и тины греховныя, и храм мя Божественный сотвори, Богородице, чисте к Тебе прибегающего.

Слава: Возникни, окаянная душе, от сна уныния: очима же воззри к Единой спасающей Тя, Отроковице Богоневестней.

И ныне: Прихожду, Владычице, отчаян и сокрушен, и к молитве Твоей теплой прибегаю: спаси мя, Чистая, раба Твоего.

### Песнь 4

*Ирмос:* Услыша пророк пришествие Твое, Господи, и убойся, яко хощеши от Девы родиться и Человеком явиться, и глаголаше: услышах слух Твой и убояхся: слава силе Твоей, Господи.

Глагол же и вещей, право хочу судиться, Богородительнице, к Твоему Сыну, Пренепорочная, да обрящу Тя тогда прибежище и заступление державнейшее, мук всех избавляющее мя.

Житие мое окаяно, нечист же нрав грехами, весь страстен бых, Чистая: очисти мя от скверны прегрешений и убели, яко снег, Твоим ходатайством к Богу Благосердому.

Слава: Пленницами моих согрешений стягнут есмь отсюду, к покаянным путем уклоняться не могый: простри ми руку, Пренепорочная, управи же ми стезю к спасения пути наставляющую мя.

И ныне: Лютых мя мук, и тьмы кромешния, и геенны Твоими молитвами свободи, Дево: имаши бо волю и силу, Господа рождающая Единого Преподобного.

### Песнь 5

*Ирмос:* От нощи утренюющая, Человеколюбче, просвети молюся, и настави и мене на повеления Твоя, и научи мя Спасе, творити волю Твою.

В День Суды явися, Владычице, и предстани ми, муки и огня свободяючи: да, спасся, воспою Твою необоримую благодать.

Устраншася, Владычице, крова Твоего, враг видя мя, врину во глубину прегрешений душу мою, и зря мя, смеется: но помози ми.

Слава: Возникнути сотвори, Чистая, окаянную и страстную мою душу, молю Тя, Пренепорочная, и изми тяготы ея, многих грехов.

И ныне: Мольбу приношу Ти, Пренепорочная, от скверных и окаянных и нечистых моих устен: ущедри мя Твоею молитвою, молю Тя.

## Песнь 6

*Ирмос:* Возопих всем сердцем моим к Щедрому Богу, и услыша мя от ада преисподняго, и возведе от гли живот мой.

Блуднаго мене и преокаяннаго прими, Владыко Христе, и муки избави, мольбами Тебе рождшия, и шуйя части избави мя.

Темный ада одержит мя страх, Чистая, и козлиц часть смущает мя: еяже избави мя, Пречистая Богородице, молю Тя.

Слава: Умертвивши плоти моея страстное, Владычице Богородице, оживотвори мою, Чистая, душу преокайнную, и на путь правый настави мя.

И ныне: Рабское приношаю Ти моление, неразумный аз, и к Твоему прибегаю благоутробному милосердию: не возврати мене, Чистая, посрамлена.

Тоже: Господи помилуй, *трижды*. Слава, и ныне

## Седален, глас 6:

От сердца стенание и от утробы приношаю Ти, Пренепорочная, Твоего прося благопробитнаго заступления: помилуй всестрастную мою душу, умилосерди многомилостиваго Бога, избавити мя суда и езера огненнаго, Единая Благословенная.

## Песнь 7

*Ирмос:* Согрешихом, беззаконновахом, неправдовахом пред Тобою: ниже соблюдохом, ниже сотворихом, якоже заповедал еси нам: но не предаждь нас до конца, отец Боже.

Яко милостиву, яко благолюбиву Деву Матерь, всю Тя, яко Чистую сведый, прибегаю аз окайнный: но не отврати мене, Всенепорочная, посрамлена от Тебе.

Возникни, о страстная душе, и востани окайнная: бий из глубины в перси и испусти слез источники, да ты помилует, окайнную, милосердия Мати, Христа и Бога.

Слава: Храм Божий быв, от Крещения Божественнаго древле, весь осквернихся окайнный, и низлежу ужасно падением люте: но Ты мя возстави, Пренепорочная, отчаянных надежда.

И ныне: Облак тяжек покрыв преокайнное мое сердце: тьма и мрак найде на страстную мою душу, Богоневесто: покайния лучами озари мя, да славлю Тя.

## Песнь 8

*Ирмос:* Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

Река огненная смущает, и мрак несветимый всего мя колеблет, червь мя ужасает и скрежет зубный, Дево: да обрящу Тя тогда заступницу Державну.

Возгнещение огню да не буду, Господи, ни да услышу глас прещения Твоего, имея молящую Тя, Твою Чистую Матерь: Еяже мольбами помилуй мя, взываю Ти.

Слава: Божественнаго гласа услышати сотвори мя, и стояния избранных покажи мя, Христе, причастника: да не плачевное место мя примет, имуща молящую Тя о сем Богородицу.

И ныне: Струи слез ныне низпосли ми, и стенание от души сотвори во мне, Чистая, всегда припадати Твоему покрову, яко да обрящу разрешение грехов моих Твоею молитвою.

## Песнь 9

*Ирмос:* Безсеменнаго зачатия Рождество несказанное, Матере безмужныя нетленен Плод: Божие бо Рождение обновляет естества. Темже Тя вси роди, яко Богоневестную

Мáтерь, правослáвно величáем.

День судá стрáшный смущáет мя, Дéво, скрéжет зубóв тлит сéрдце моé, стоя́ние ко́злиц ужасáет мя: но по́мощь в лю́тых да обря́щу Тя Богоро́дицу, егда́ хощú осудíтися.

Ны́не трéпет содержит мя: и страх смущáет мя геéнский. И что соде́яти, не вем окая́нный и осужде́нный: те́мже притекаю́ к Тебе́ и те́плым умилéнием вопию́ Ти: не прэ́зри мене́, Пречíстая.

Слава: Зря́ суди́ще и помышля́я суд Твой, Христé мой, в нёмже хощú суди́тися, праведно́ о дéлех осужде́нный. Но íмам молебни́цу тогда́, к щедро́там Твои́м мно́гим моля́щую Богоневéстную Мáтерь Твою́.

И ны́не: Мы́сленно прикаса́ясь Твои́м стопа́м, Всенепоро́чная, молю́ Тя: приими́ рыда́ние моé, пéние внуши́ и прегрешéний разреше́ние пода́ждь ми, вопию́ Ти, моли́твами Твои́ми, Дéво, да любóвию Тя величáю.

## В ЧЕТВЕРТОК Канон Пресвятей Богородице<sup>1</sup>

### Песнь 1

*Ирмос:* Я́ко по сýху пешешествовав Изра́иль по бэ́здне стопа́ми, гонíтеля фарао́на видя́ пото́пляема, Бо́гу побéдну песнь по́им вопия́ше.

*Припев:* Пресвята́я Богоро́дице, спаси́ нас.

Приими́, Дéво, мо́льбу мою́ из уст недосто́йных, от сквэ́рных устéн дерзнове́нно приноси́ти устремивша́гося: и свет умилéния, Чíстая, озари́ рабу́ Твоему́.

Ту́чи слез ми пода́ждь Твои́ми моли́твами, Дéво Ма́ти Чíстая: я́ко да пла́чу те́пле, о íхже соде́лах на земли́, и убéгну Тобо́ю му́ки вся́кия.

Слава: Моего́ рыда́ния не отри́ни, Я́же Исто́чник Милосéрдия ро́ждшая: но ми́лостивно, Благо́я, Твои́м ми́лостивным о́ком, Богоро́дице, ду́ши моея́ стра́сти исцели́.

И ны́не: Стенáнием пла́чися, ду́ше моя́, и себе́ отню́д рыда́й, покланя́ющийся Ма́тери Бо́жии и глаго́лющи: мене́, повинна́го, изба́ви му́ки стра́шныя.

### Песнь 3

*Ирмос:* Несть Свят, я́коже Ты, Го́споди Бо́же мой, вознесы́й рог ве́рных Твои́х, Бла́же, и утверди́вый нас на ка́мени испове́дания Твоего́.

Несть ин, я́коже аз, прегрешíв, Пресвята́я Чíстая, порабо́цся зло́бами безме́рных помышлéний: но на Тя наде́явся, молю́: сих мя исхити́.

Се наидо́ша на мя я́ко ра́ны, вся вра́жия зло́бы отяготéвше, и zeló возсмердéша, и ду́шу веду́т на вся́ко паде́ние.

Слава: Мно́гое мно́жество мои́х прегрешéний: сего́ ра́ди, Пресвята́я, véрою припа́дая, вопию́ Ти смире́нный: в час стра́шный умоли́ти, Его́же воплоти́ла еси́.

И ны́не: Свята́я Богоро́дице, мене́ повинна́го вся́кому осужде́нию изми́, дерзнове́ние к Бо́гу я́ко иму́щи Ма́терне, и черто́гу Сего́ учини́ мя.

### Песнь 4

*Ирмос:* Христóс моя́ си́ла, Бог и Го́сподь, честна́я Це́рковь Боголе́пно поёт взывáющи, от смы́сла чíста, о Го́споде прáзднующи.

Исто́чник ми слез да́руй, Влады́чице, я́ко да отмы́ю сквэ́рну смире́нныя ду́ши моея́ и обря́щу добрóту, ю́же погуби́х сове́том зми́йным.

<sup>1</sup> Краегранесие канона: *Даждь ми, Дево, слезы покаяния.*

Бóже мой Милосёрде, Бóже Человеколю́бче, воли́телю мѝлости, ны́не на мя изльй Твою́ мѝлость: мо́лит Тя наде́жда и заступни́ца моя́, Ма́ти Твоя́.

Слава: Мене́ блу́днаго, мене́ ужасна́го, без ума́ и безсту́дно мно́го согре́шша к Тебе́, Пренепоро́чная, уще́дривши, спаси́ и геённы́ свободи́.

И ны́не: Па́жить потреби́ сме́рти, ро́двши Жизньъ́ вся́ческих. Те́мже и аз зову́ Ти: согрешихъ́, спаси́ мя, Чи́стая, Ма́терними Твои́ми мольба́ми.

## Песнь 5

*Ирмос:* Бóжним свѣтом Твои́м Бла́же, у́тренюющих Ти ду́ши любо́вию озари́, молю́ся: Тя ве́дети, Сло́ве Бóжий, и́стиннаго Бóга, от мра́ка грехо́внаго взыва́юща.

Помѝлуй мя Чи́стая, на Тя всю наде́жду мою́ возложѝвшаго: и уще́дри, ве́рою взыва́ю Ти, презре́вши ду́ши моея́ вся стра́сти лю́тыя.

Спаси́ мя от страсте́й, ско́рби и вре́да, лука́вых сопроти́вных, и изба́ви сих ла́яннѝя смире́нную мою́ ду́шу, да не реку́т, Де́во: укрепѝхомся нань.

Слава: Чи́ста́ тѣлом и ду́шею, Пречи́стая, я́вльшися, ду́шу мою́ от скве́рны́ свободи́, да́я ми чи́сто жи́ти, и наста́ви твори́ти ми Госпо́дню Божѣ́ственную во́лю.

И ны́не: Тя Еди́ну има́м прибе́жище, и к Бóгу премене́ние, и́же во мно́гих прегреше́ниих все жити́е моё иждѝх. Те́мже мя, Богоро́дице, Ты уще́дри.

## Песнь 6

*Ирмос:* Жите́йское мо́ре воздвиза́емое зря напа́стей бу́рею, к ти́хому приста́нищу Твоему́ прите́к, вопио́у Ти: возведѝ от тли живо́т мой, Многомѝлостиве.

Испра́ви, Влады́чице, ма́лое моё стѣна́ние и рука́ма возде́яние, я́коже благово́нну же́ртву, и Твой сподо́би зрак чи́стою со́вестию узре́ти.

Глаго́л моѝх, Влады́чице Благо́я, не презри́ моле́ние, Родѝтельнице́ Мѝлостиваго Бóга, от Твоея́ утробы́ возсия́вшаго: но даждь ми пре́жде конца́ Божѣ́ственное оста́вление.

Слава: Прекло́нихся страстьми́ блу́дно, преокая́нный, и удали́хся от Бóга: Егóже моли́ спасти́ мя, Благо́я, к Тебе́ бо прибе́гох, и оде́ждами мя пре́дними украси́.

И ны́не: Не опали́ ложе́сн Твоѝх Огньъ́ сый Иису́с, из Тебе́ плоти́ю прихо́дит: Сего́, Чи́стая, моли́ огня́ и вся́кия му́ки изба́вите ве́рою воспева́ющих Тя.

*Таже:* Го́споди помѝлуй, *трижды.* Слава, и ны́не

## Седален, глас 6:

Чи́стая Де́во и Сла́вная, а́нгелов сла́во, егда́ предста́ла еси́ Кресту́ Сы́на и Бóга Твоего́, не терпя́щи озлобле́ния враг, взыва́ла еси́, рыда́ющи стѣна́ньми, Еди́на Благосло́венная: ка́ко терпи́т Человеколю́бец сѝх всех наносѝмая?

## Песнь 7

*Ирмос:* Отро́цы в Вавило́не пе́шнаго пла́мене не убо́яшася: но посреде́ пла́мене вве́ржени, ороша́еми по́яху: благослове́н еси́, Го́споди Бóже оте́ц на́ших.

Возни́кни, о ду́ше моя́, от злых, я́же соде́яла еси́, что спи́ши проче́е, что сном уны́ния низлежи́ши? Богоро́дице возопѝй: Пресвята́я, помози́ ми.

Образ ви́да Твоего́ чту́ и не сме́ю воззре́ти к Тебе́, Пресвята́я: молю́ при́яти долго́в прощѝние и чи́сто ви́дети Твою́ пречи́стую ико́ну.

Слава: В Твое́ прибега́ю, Богородѝтельнице, заступле́ние, и припада́ю при́яти прощѝние: не презри́ мене́, Влады́чице, но уще́дривши спаси́ мя.

И ны́не: Многообра́зными зло́бами душе́тле́ннаго оскверни́х ду́шу и ум, молю́ Тя, Пречи́стая, не презри́, и того́ искуше́ний исхити́ раба́ Твоего́.

## Песнь 8

*Ирмос:* За законы отеческия блаженнии в Вавилоне юноши предбедствующе, царюющего оплеваша повеление безумное, и совокуплени, имже не сваршася огнем, Державствующему достойную воспеваху песнь: Господа пойте дела и превозносите во вся веки.

Безмерно согрешив и осквернив мое во гресех тело, неразумный, помышляю необыменнаго Судя День, и недоумевся, убоюсь, и ужасаяся и трепещу, ко Благоутробию Твоему, Владычице, припадаю: не отрини мене, но виждь мою скорбь и избави всякаго осуждения мук многообразных.

Закон Божественный презрев, в лености весь слежу<sup>1</sup> окаянный: призвавши, Пречистая, возстави вскоре, и спасенных сотвори мя части получитьи, да радуясь зову Ти: радуйся, Радосте миру, Единая Предстательнице верою призывающим Твой твердый покров.

Слава: Увы мне, душе моя! Како предстанем тогда во страхе и трепете судищу страшному, егда ангели предстанут во страхе и трепете? Богородицу имущи Благо заступницу, преклони колено и воздежи рuce к высоте, вопиючи: призри и пощадй Твоим милостивным тогда взором, Дево.

И ныне: Покажи крепость Твою непостыдну заступление ныне: яко должник бо, Матерними мольбами преклонится Твой Сын, Дево. Предварй убо ныне в нужный час, да не отыду неготов, но проживу и еще, Препетая Богородице Чистая.

## Песнь 9

*Ирмос:* Не рыдай мене, Мати, зрящи во гробе, Егоже во чреве без семене зачала еси Сына: востану бо и прославлюся, и вознесу со славою, непрестанно, яко Бог, верою и любовию Тя величающия.

Да вышния славы получу, Дево, молюся Тебе: ослаби ми и избави долгов тьмы, вся презревши, Пречистая, яже в неведении, и разуме, вкупе дневная и ночная, яко да благодарственную песнь радуясь принесу Ти.

От всяких мя скорбей исхити, Отроковице, и на камени постави ноге мой Божественнаго спасения: Тя бо предстательницу небориму ныне стяжав, уповаю прейти стену и преграду, юже преслушанием древа создах.

Слава: Тя молю, рождшую милосердаго Судию и Владыку: прими дерзость скверных устен и убогое пение мое, и не омерзи мене, паче всех человек грешнейшаго: Тя бо по Бозе заступницу имею раб Твой.

И ныне: Яко вышши сущи созданий всяческих, во утробе Твоей имела еси, Богородице, Бога воплощенна: Сего прилежно моли, Чистая, разрешити всякаго настоянния раба Твоего, да свободным гласом Тя славословлю и аз.

## В ПЯТОК

### Канон молебный Пресвятей Богородице

## Песнь 1

*Ирмос:* Помощник и покровитель бысть мне во спасение, Сей мой Бог, и прославлю Его, Бог отца моего, и вознесу Его, славно бо прославися.

*Припев:* Пресвятая Богородице, спаси нас.

Не отрини, Благая, не омерзи мене, не презри мене под Твое милосердие, Чистая, тепле притекшаго: но даждь ми еже в Тебе напитатися благодатию.

Богородице Благая, скорбящих заступнице, прими мое от души стенание: и

<sup>1</sup> Слежу – лежу в праздности, валяюсь.

избáви мя от всех безмёрных зол, яже люте содёях.

Слава: Тебé припадаю, Благáя, скорбных Предстáтельница: избáви мя огня вéчнующаго, и тьмы и пропáсти, во всяком жити́и зле пожívшаго.

И ныне: Увы́ мне! Кáко Тя, Избáвителю, умолю́, Иису́се мой, безмёрно к Тебé согрешív? Прóчее ходáтаицу Ти приношаю рóждшую Тя Чíстую, помíлуй и спасí мя.

### Песнь 3

*Ирмос:* Утверди́, Гóсподи, на кáмени заповедей Тво́их подви́гшееся сёрдце моё, я́ко Един Свят еси́ и Гóсподь.

Припадаю́ Ти, Мáти Сло́ва, приими́ мя щедрóтами Тво́ими: прося́щему же прегрешéний прощёние пода́ждь, тёплыми моли́твами Тво́ими.

Помíлуй мя, Влады́чице, помíлуй, и избáви от всякаго лука́вствия, и озлоблénия бесóв, и вéчнаго мучénия.

Слава: Укротí, Влады́чице, сластéй мо́их горькое пия́нство, трезвénие Божéственное ми подаю́щи покая́ния, и обращéние спасíтельное.

И ныне: Вся́ческих Гóспода и Содержítеля, Богородíтельнице, неизглаго́ланно рóждши, умоли́ Сего́, éже спасти́ ста́до Твоё.

### Песнь 4

*Ирмос:* Услы́ша проро́к пришéствие Твоё, Гóсподи, и убо́яся, я́ко хóщещи от Дéвы родíтися и Человéком явítися, и глаго́лаше: услы́шах слух Твой и убо́яхся: сла́ва си́ле Твоёй, Гóсподи.

Язвы ду́ши моея́, не престая́, чешу́ любосла́стными, и приложíшася мне стру́пов болéзни, и пребываю́ нечу́вствен и неисцели́мь: помíлуй, Богородíтельнице, и исцели́, и спасí мя моли́твами Тво́ими.

Тьма грехóвная покрý ду́шу мою́, Богородíтельнице, я́ко в но́щи си́це хожду́ во свéте, не вéдый Христóвы заповеди. Свет рóждшая Божéственный, помíлуй мя и просветí, молю́ся.

Слава: Сло́во Бо́га Жива́го сниде во утрóбу Твою́, Мáти Дéво, и приём от Тво́их кровéй пречíстых все моё смешéние, приходит сугуб во еди́ной ипостáси, Егóже моли́ спасти́ ду́ши нáша.

И ныне: Телéсная хотénия прилэ́жно преидóх и сла́сти вся, и растрéн бых весь, и сквэрнен и мёрзок: Пречíстая Богородíтельнице, помíлуй и спасí мя милосёрдием Тво́им.

### Песнь 5

*Ирмос:* От но́щи у́треннююща, Человеколю́бче, просветí, молю́ся, и наста́ви и мене́ на повелénия Твоя́ и научí мя, Спа́се, творíти волю́ Твою́.

Огнь геéнский себе́ разжего́х, дéя неподóбная, и гнев Бо́жий люте привлекóх: помози́ ми, Чíстая, и не оста́ви мене́.

Прегрешéний оставлénия прося́ прíсно, дéяти не престаю́ пребеззакóния и Тебé, Пречíстая, огорчеваю́: очищёние вёрных, ущéдри мя.

Слава: Егóже от Тво́их кровéй родила́ еси́, Чíстая, совершенна́ Человéка и Бо́га и́стинна Иису́са, умоли́ Того́ избáвитися нам огня́ вéчнаго.

И ныне: Двэ́ре непроходíмая, молю́ся, отвёрзи ми двэ́ри покая́ния и́стиннаго, и покажí стези́ покая́ния, Чíстая, Я́же всех наста́вница.

### Песнь 6

*Ирмос:* Возопíх всем сёрдцем мо́им к Щéдрому Бо́гу, и услы́ша мя от áда преиспóдняго,



и возведё от тли живёт мой.

Волны неподобных помышлений погружают мя ныне: но Ты, Владычице, к тихому пристанищу настави покаяния истиннаго Твоим милосердием.

Надежду и стену необоримую, и предстательницу тверду стяжавше Тя, Отроковице, избавляемся прегрешений и страстей лютых, и всякаго вреда.

Слава: Припадаю Ти, Чистая Дево, и вопию с плачем, Богородице: избави душу мою окаянную будущаго суда, и огня вечнаго.

И ныне: Крепость Ты еси, Пречистая, немощных душею, Твоими мольбами: темже мя, яко боляща душею не презри, но исцели.

*Таже: Господи помилуй, трижды. Слава, и ныне*

### Седален, глас 6:

За милосердие щедрот, Христэ, сошел еси на землю, и от Девы воплощся, вся освятил еси, яже от земли и к Небеси всех призвал еси. Темже уповающе на Тя, никогдаже погрешим, но избавляемся Тобою настояний: Ты бо еси Спас наш, Создателю Боже наш.

### Песнь 7

*Ирмос: Согрешихом, беззаконновахом, неправдовахом пред Тобою: ниже соблюдохом, ниже сотворихом, якоже заповедал еси нам: но не предаждь нас до конца, отцев Боже.*

Егда душа окаянная моя от телесе стерпети хощет разлучение, и не будет избавляяй ю, или утешаяй ю: тогда, Владычице, предстани, и избави мя бесов озлобления.

Припадаю Ти и приношу слез теплыя капли: вем Твое человеколюбие, вем долготерпение и незлобие. Ты мя ныне помилуй, Чистая, прости и спаси мя.

Слава: Помилуй, Дево, страстную и окаянную мою душу, виждь страстей смущение, виждь и разгорение плоти непостоянное: и помощь даждь ми спасительную, и избавление.

И ныне: Отцу Единосущный, собезначальный Сын и Слово, плоть от Тебе прият равну, умну и одушевленну непреложно, яко весть Сам: и естество наше обнови в ней лучше Дево Чистая.

### Песнь 8

*Ирмос: Егоже Воинства Небесная славят и трепещут херувими и серафими, всяко дыхание и тварь, пойте, благословите и превозносите во вся веки.*

Недоумео, помышляя деяния моя, и трепещу Судий Страшнаго Судища: кий ответ, окаянный, принесу тогда? Владычице мира, буди ми заступница.

Не отвержи убо мене Сама, Владычице, от лица Твоего, егда к Твоему воззрю образу: но милостива буди ми и настоящего времени мя осуждения.

Слава: Невесто Божия, Марие безневестная, от всякаго лукаваго вреда избави мя, вопию Ти, Твоего раба: и в будущей при предстани ми, Единая христиан Предстательнице.

И ныне: Да человеки Сын Твой, Владычице, обожит, явися из Тебе совершен человек: сего убо моли совершенно очищася показати причастника мя Божественному Его Царствию.

### Песнь 9

*Ирмос: Еже, радуйся, от ангела приимшая и рождающая Создателя Своего, Дево, спаси Тя величающая.*

Ты Еди́на Предста́тельница челове́ков еси́, Пречи́стая, Ты еси́ стена́ христиа́н, Чи́стая, Ты ны́не предлага́ю ко Христу́ ходатаи́цу о мне смире́нном, да Твои́ми моли́твами поми́лует мя ока́яннаго.

Но́щи дела́ соде́лах, и но́щь муче́ния хо́щет мя ны́не покры́ти пра́ведно су́етнаго, и вся́ко томле́ние прия́ти а́дово: но ро́ждшая Судию́ и Бо́га, Чи́стая Де́во, изба́ви мя вся́каго муче́ния.

Слава: Вре́мя живото́ моего́ во злых изжи́х, и к двéрем а́да прибли́жихся, и весь не гото́в, иду́ та́мо: помози́ ми, Благая́ Богоро́дице, на Тя бо наде́жду возложих.

И ны́не: Благолю́бвая Влады́чице, а́нгелов украше́ние, муче́ников сла́во, с си́ми помолі́ся обрести́ нам ми́лость и разреше́ние долго́в, и возмо́щи всем до́бре жи́зни на́шей тече́ние сконча́ти, Божество́нная де́ющим.